

中國大運河歷史文獻集成

9

主編 王雲 李泉

國家圖書館出版社



第九冊目錄

河東河工物料價值	清工部編		一
欽定河工實價則例章程	清工部編		六五
歷代河防類要	清·徐璈撰		二二一
中衢一勺	清·包世臣撰		三〇三

清工部編

河東河工物料價值

清刻本

河東河工物料價值

《河東河工物料價值》，清代工部編，主要內容爲山東、河南兩省黃運兩河修築所需物料來源、價格、夫役雇募等，體例爲河東河道總督及其屬員的奏折與文移。

根據雍正八年事例，各省河工修築及城垣、倉廩建造，於完工後必須核明向工部題銷，但河南、山東北河飯銀並未報人工部，經工部都水司員外郎多次核查發現有多達十四款陋規，共飯銀四百餘兩，朝廷決定將銀兩按數追還，並將得銀官員交部議處，其款項經手胥吏按律治罪。又因河工預算沒有一定章程，不能上下劃一，書吏得以從中漁利，還由於河工物料與雇傭人員價格貴賤不是固定的，工程有緩急，物產有多寡，運道有遠近，不能以統一的價格銷算，所以工部請求「請將物料價值除京城各工所需，臣部現同九卿會議，俟奏明遵行外，其各省價值請旨敕下各省督撫、總河將工程緩急，物料貴賤悉心查訪，務照本處市價確估題明，九卿會議具奏刊冊頒行」，至於工程做法，物料多寡，再由工部派能員與內務府詳細核算準確，根據實際情況施行。

雍正八年行文河東總督，將各處工程緩急，物料貴賤悉心查訪，並根據本處市價確估造冊題明，依冊施工。雍正十年江南河道總督嵇曾筠又奏稱江南黃運湖河凡與磚石椿埽柴草工程需用各項物料，其價值按歷來漕規辦理，但因購買物料價格、遠近、質量存在變化，所以也必須因時制宜，靈活處理。經查訪決定，各道廳購買物料須稽查明白，照時勘驗，以節約國家資財爲要。雍正六年，河東河督疏稱山東、河南黃運二河一切土埽石工，必須分清土方水旱遠近難易，埽料歲修搶修大工之別，歷年各案工程根據難易緩急，酌量辦理，所費銀兩實報實銷，嚴禁浮冒，並將所需物料登記清晰，造冊報部查核。雍正十年又定，河南之上南河，下南河，上北河，下北河，黃河，歸河，沁河等七河廳，山東之黃河，運河，捕河，洺河，上河，下河，海鹽等七廳，總河須將各項物料價值冊內土方一項，修築堤岸並開挖引河，水旱土工定價銀爲自八分一釐到二錢一分六釐不等，運河需用土方附近取土每方價銀九分六釐，隔河取土每方價銀一錢二分，隔河用船裝運土方，每方價銀一錢四分，水內撈土每方銀二錢四分，其他木料、秸杆、麻也根據成規與市價相機購買。

《河東河工物料價值》主要記載了清代山東與河南黃運兩河各廳汛關於物料採購、價格辦理、河工修防、工食錢糧等事宜，另外對挑河、匠工、建閘、搭橋所需物料的規格、尺寸、數量也記載較爲詳細，是瞭解清代東河河工物料的重要資料。書中所載諭旨等止於雍正十三年，故成書年代當在此後，版刻或在乾隆之初。

該書有清刻本，現藏國家圖書館。

本書以清刻本爲底本影印。（鄭氏德）

總督河東河道總督奏部咨侍郎部咨
據實查明擬定成規事案查

工部咨開本部摺奏前事內開查各省河工修築暨城垣倉廩建造各項例于完工後核明題銷臣部駁查核減或至往返數次不能完結而書吏人役因以借端需索其弊已久前經臣部堂官將所有陋規查明開款具奏荷蒙

皇上天恩准令批解以爲臣部公分發廉之費但當時奏稿內河工一項只有江南河工飯銀而河南山東北河飯銀並未查入今經臣部都水司員外郎多綸留心訪察又首出陋規十四款計

飯銀四百餘兩切思各項陋規既已查奏蒙

恩准作養廉則此外絲毫需索使屬大千法紀若謂係原有定規則當時查奏自應開入今據多綸呈明該員一人于年內共得四百餘兩則同司官吏分取必多相應查明將該司所得銀兩照數追出併將得銀各員交部議處其經管書吏按律治罪至于員外郎多綸留心除弊將本身所得之項隨得隨呈確有炳據具見該員一意奉公毫無瞻顧其所得銀兩應否賞給該員以爲除弊防奸者之勸伏候

聖恩再查前項一切陋規雖經本部堂官查奏然現據

多綸所首如此則當時遺漏隱微恐非一端相應詳悉確查再行定議臣等因之更有請者臣部工程文冊多關錢糧大小事件皆宜慎重若概准行則恐錢糧浮冒且致草率工程若必逐件駁查又恐遷延誤事且致胥吏勒索拏厥由來皆緣工役做法物料價值未有一定規條止憑稟案銷算案之例不能盡一書吏之手得以上下欲駁則一不符之前案欲准則查一相合之舊規在堂官以爲違例宜駁所以慎重錢糧而書吏則在外嚇以爲是不給飯銀之過在堂官以爲合例宜准所以早完案件而書吏則在外請張以爲是既驗

飯錢之功此所以雖有清慎之堂官欲禁外人貪求草書吏之需索而終不能盡去也臣等細查之故非因價值不符則緣物料多明夫各物價之貴賤原屬無定工程有緩急物產有多寡運道有遠近若概以一定之價銷算非失之有則失之不足此不可以部例繩之也至各工所之物料原屬有定堤工城工每段長短高厚既則所需土方墼石自有定數倉廩衙署每間面進深既定則所需木料磚瓦自有成規物料既則所需匠夫亦可核計而各省工冊不能如法算以嚴督財帛此不可不以部例繩之也

請將物料價值除京城各工所需臣部現同九卿會議俟奏明遵行外其各省價值請

旨勅下各省督撫總河將工程緩急物料貴賤悉心查訪務照本處市價確估題明九卿會議具奏刊冊頒行至工程做法物料多寡臣部選派能員會同內務府詳細估計凡城堤高厚丈尺若干應需土方磚石若干房屋深闊丈尺若干應需木料磚瓦若干成造物料若干應需匠夫若干之處如法核算酌定成規會同九卿定議具奏刊冊頒行嗣後各省凡有工程但須報明丈尺丈尺既明則據臣部所定做法核算物料物料既明則據各省所定

三

價值核算錢糧條例昭然如指諸掌書吏人等無由高下其手倘嗣後臣部駁查有不合成例者准督撫總河奏明交部議處如各省所造工冊尚有違例舛錯之處臣部即行題參如此則承修者既無由浮冒銷算亦不得借端核減庶于工程錢糧均有裨益謹

奏雍正八年十月十三日交奏事郎中張文彬等轉奏本日奉

旨這所議好着依議行欽此相應行文河東總督轉行知照各提鎮將各該處工程緩急物料貴賤悉心查訪照本處市價確估逐款造冊具題可也為此

合咨前去欽遵施行等因又于雍正十一年三月十一日准

工部咨開都水清吏司案呈工科抄出江南河道總督嵇 等題前事等因雍正九年十月十二日題十一月初三日奉

旨該部議奏欽此欽遵于本月初四日抄出到部又爲據實查明擬定成規事工科抄出河南山東河道總督朱 等題前事等因雍正九年十二月二十一日題雍正十年二月初六日奉

旨該部議奏欽此欽遵于本月初七日抄出到部該臣等會議得江南河道總督嵇 等疏稱江南黃運

四

湖河凡興舉磚石椿埽柴草工程需用各項物料其價值俱照歷來漕規購辦有漕規較市價少昂者有市價比漕規更貴者亦有遠赴產地購買搬運到工而舛重折耗復較漕規倍增者有因一時遠不接濟就近購覓市價陡行昂貴者總之工程緊要刻不可緩之時雖價值陡增亦不得不採買應用工完仍照漕規銷算在各廳價值雖有參差然截長補短歷來循行已久臣到任後復又留心察訪其當時所定各廳漕規如椿木石料土方灰繩之類價值有不均者當即密行查察飭減今又准部行將各處工程緩急料物貴賤悉心查訪照

本處市價確估造冊具題等因仰見稽察精詳正法澄清誠百世不朽之以模千載不易之良法也當即轉行查訪併密諭各該道廳將舊時漕規價值凡可少減之處俱令分別遠近難易據實核減併將漕規內當日有用荻葦湖蘆之虛名而今日實用正柴並無荻葦湖蘆可用之處亦即據實改正另造確冊送部去後今據淮徐道呂維炳署淮揚道印務裡河兼管理事同知夏建德詳稱遵將各項料物悉心查訪平情酌理其與市價較賤者不敢議增祇將各項凡可以節減者逐一酌減除磚礮柴束價值已經前河臣齊 于雍正六年間

五

稟多益寡題定價值併購用柳草以及汁米鐵器夫工等項計其舊規均屬平允仍照舊規開造外所有柴束舂重椿木石料土方等項或照時查驗乾濕秤折舂重或按程途遠近計算運脚改照乾淨難易分別價值逐一遞減相平不獨上下各屬毫無偏枯且比舊用之價每椿木用至十萬兩者可約省銀四五千兩土方每用至十萬兩者可約省銀八九千至一萬餘兩石塊每用至十萬兩者可約省銀五六千餘兩至于揚河江防砲雖等廳所用石灰纒柴之處亦有省減俱於冊內聲明試於錢糧多有節省而各廳遠近價值亦得公平不

致有偏枯之弊實于河防大有裨益至于椿木一項從前祇有圍圓並無長短丈尺今屢奉部駁查取丈尺數目應照現在購買長短尺寸酌擬丈尺一併造冊送部核示頒行飭遵再准徐舊時漕規內用有湖蘆荻葦今因湖地淤墊不長此料各廳久將正柴秫稻代用亦即照現在所用之料據實改正每年增銀無多合併聲明所有擬定成規謹逐款分晰聲明照造清冊詳請題明除本年一切歲搶新工俱于未定成規之先辦料修築仍應照舊估修外其新定成規請自雍正十年為始凡有歲搶新工俱照此例估銷着為定例遵行再奉部

六

查嗣後各省工程俱須報明丈尺丈尺既明則據臣部所定做法核算料物物料既明則據各省所定價值核算錢糧條例昭然等因但河工修防原無一定或險而化平或平而化險全在臨時審度探水勢之深淺酌量用埽之大小層路之多寡登椿之粗細加鑊之寬厚實難預為計定做法應請照舊例于造冊送部之時將埽個大小層路以及鑊墊高寬椿木圍圓粗細繩纜多寡之處隨時核實逐一開明聽候內部按冊稽查料帑數目相應具題又據河南山東河道總督朱 等疏稱豫東二省黃運兩河一切歲搶大工所用料物土方價

值准部行令將各處工程緩急物料貴賤悉心查
訪照本處市價確估逐款造冊具題等因經前掌
管河東總河印務河東督臣田 轉行各該道遵
照查訪確估造報去後今據河南管河道劉永錫
河北道孔傳煥護理山東兗寧道運河同知白巉
詳稱豫東二省黃運兩河一切土埽石工凡遇修
築土方有水旱遠近難易之分埽料有歲修搶修
大工之別歷年各案工程估計興修皆係相度險
要機宜酌量工程緩急土埽悉合平成規貴賤無
虧乎市價工完核實報銷實無浮冒錢糧今復悉
心查訪所有歲搶大工需用林檟柳草蓆蓆纜

七

以及石料磚灰椿木等項現行成規咸與市價相
符並無貴賤懸殊是前項各料價值無庸另爲置
議至于修築堤岸旱工每方九分六釐及一錢零
八釐者水工每方有一錢二分八釐及一錢四分
四釐者其取土倍難之工又有一錢九分二釐至
二錢一分六釐者開挖引河方價乾土每方八分
一釐水工每方九分九釐總因工有難易之殊土
方價值不得不分多寡也若夫搬料壓土推埽拉
椿等項兵夫力作不敷添募民夫每名日給工價
銀四分現行成規實爲允當是亦無庸另議惟楊
椿一項豫東兩省從前每株不分大小定價祇一

錢七分承修廳員實多賠累今請分別圍圍徑寸
酌議長短丈尺循照江南例價嗣後豫東二省黃
河各廳需用楊椿自一尺至二尺五寸圍圍木照
江南揚河廳例價酌定三分減一其二尺六寸至
五尺圍圍木照江南各廳例價酌定四分減三適
符市價是價值既無虧少則工程不致遺悞合將
各項工料價值并埽個大小用料則例逐款分晰
彙造確冊詳請會核具題候部核示頒行飭遵其
新定椿木成規請自雍正十年爲始凡有歲搶新
工俱照此例估銷着爲定例遵行再奉部查嗣後
各省工程俱須報明丈尺丈尺既明則據臣部所

八

定做法核算物料物料既明則據各省所定價值
核算錢糧條例昭然等因但河工修防原無一定
或險而化平或平而化險全在臨時審度探水勢
之淺深酌量用埽之大小屑路之多寡發椿之粗
細加鑲之寬厚實難預爲估定做法應請仍照舊
例於造冊送部之時將埽個大小磚石屑路以及
鑲填高寬椿木圍圍長短繩纜多寡之處隨時核
實逐一開明聽候內部按冊稽查則工料帑項俱
得昭然符合相應具題各等因前來查工部於雍
正八年十月內因各省題銷事件工程做法物料
價值未有一定成規祇覓頂案銷算頂案之例不

能畫一省吏得以上下其手欲駁欲准意爲重輕
經工部奏准行令各該督撫將各直省一切建造
修築工程緩急物料貴賤悉心查訪造冊具題在
案今據江南河道總督嵇 等河東河道總督朱
等將各該省河道工程需用物料訪照時價造
冊具題臣等查核江南總河疏稱各項物料悉心
查訪平情酌理其與市價轉騰者不敢議增祇將
各項凡可以節減者逐一酌減內柴束船重椿木
石料土方等項或照時查驗乾濕秤折動重或按
程途遠近計算運脚或照乾淨難易分別價值逐
一遞減相平不獨上下各屬毫無偏枯且比舊時

九

之價每椿木用至十萬兩者可約省銀四五千兩
土方每用至十萬兩者可約省銀八九千至一萬
餘兩石塊每用至十萬兩者可約省銀五六千餘
兩至於揚河江防邳睢等廳所用石灰綫柴之處
亦有省減俱于冊內聲明誠于錢糧多有節省而
各廳遠近價值亦得公平不致有偏枯之弊實于
河防大有裨益椿木一項從前祇有圍圓並無長
短尺寸今奉部駁查取丈尺數目應照現在購買
長短尺寸酌擬丈尺一併造冊送部核示頒行飭
遵再准徐舊時漕規內用有湖蘆荻葦今因湖地
淤墊不長此料各屬久將正柴荻稽代用亦即照

現在所用之料據實改正每年增銀照多合併疊
明所有擬定成規謹逐款分晰造冊題明除本年
一切歲搶新工俱于未定成規之前辦料修築仍
應照舊估銷外其新定成規請自雍正十年爲始
凡有歲搶新工俱照此例估銷着爲定例遵行等
語臣等將該督造送淮徐等所屬之徐屬邳睢宿
虹桃源宿遷運河裡河外河山安海防高堰山旸
桃源安清中河揚河江防等一十四廳物料價值
清冊逐款詳晰磨對其擬定柴束一項冊開正柴
以三十兩爲一束每束價銀自二分至二分五釐
不等均應仍照定價購辦第查河工正柴前任河

十

臣齊 因堵築朱家口工程緊急不及分別乾濕
俱做照民間市價用手以四撿圍圓籐收卽算正
柴一束自今各工俱以籐收相沿爲例但乾燥柴
束用四撿籐收亦與帶潮三十兩之數相符若籐
收之柴仍屬帶潮則與漕規相較未免有名無實
今做照柳枝青溫乾之例酌定每年自九月至十
二月月交工柴束其性帶潮仍照三十兩之數秤
收自次年正月至四月則柴性微乾每束酌定二
十六兩若至五六月七八等月新陳交接之際柴性
全乾每束酌定二十二兩總以十六兩官秤科收
示禁籐收之法再有短少察出卽行參究應如茲

督等所請永禁籓收之法凡交工柴束隨時分別乾濕按數秤收如有故違短少卽行據實查叅又擬定椿木一項冊開椿木自不登尺木及一尺木至五尺不等每根價銀自七分至二十一兩六分不等內徐屬廳所造椿規價值較與市價相倣高堰山町二廳各工椿木由湖涉險轉運維艱按市價加入運脚較與漕規相符毋庸更改外其餘邳睢等十一廳按地之遠近照徐屬等處酌量遞減比應用之價每椿木用至十萬兩者可約省銀四五千兩又擬定土方一項冊開各堤河土方乾地挑挖河土從前每方估銀九分如有積水加厚水

十一

銀二分今酌減銀一分每方河土估銀八分厚水亦減銀五釐每方祇加銀一分五釐搶築及加帮堤工併填壩壓埽等工土價從前有多寡不一今分別遠近乾溼難易酌定八則每方價銀自一錢二分五釐至二錢五分不等又江防廳從前挑挖引河每方江土估銀二錢三分今再四酌減每方改估銀一錢一分比應用之價每土方用至十萬兩者可約省銀八九千至一萬餘兩又擬定石料一項冊開石工併建造閘壩應用雙料單料墻丁石並雙單料裡石每丈舊價併運脚價銀各處俱通爲酌減祇給銀二錢至一兩九錢不等川

用之價每石塊用至十萬兩者可約省銀五六千餘兩又揚河江防邳睢等廳所用石灰纓柴之處亦有減省俱於冊內聲明再淮徐舊時漕規內用有湖蘆荻葦今因湖地淤墊不長此料各廳久將正柴秫秸代用亦卽照現在所用之料據實改正每年增銀無多合併聲明均應如所請凡嗣後江南省河道工程應用土方石料石灰纓柴等項准照新定價值畫一報銷至疏稱磚蘇柴束價值業經前任河臣齊于雍正六年間稟多益寡題定價值併購用柳草以及計米鐵器夫工等項計其舊規俱屬平允仍照舊規開造等語查雍正六年

十二

請

旨事案內經原任河臣齊將磚蘇柴束題定價值今該總河既稱前定價值並舊規內柳草以及計米鐵器夫工等項俱屬平允亦應如所請仍照舊規開造無庸更定又據河東總河疏稱豫東二省黃運兩河一切土埽石工凡遇修築土方有水旱遠近難易之分埽料有歲修搶修大工之別歷年各案工程估計興修皆係相度險要機宜酌量工程緩急土埽悉合乎成規貴賤無虧乎市價工完核實報銷實無浮冒錢糧今復悉心查訪所有修築堤岸旱工每方九分六釐及一錢零八釐者水工

每方有一錢二分八釐及一錢四分四釐者其取土倍難之工又有一錢九分二釐至二錢一分六釐者開挖引河方價乾土每方八分一釐水工每方九分九釐總因工有難易之殊土方價值不得不分多寡也惟楊椿一項豫東兩省從前每株不分大小定價祇二錢七分承修廳員實多賠累今請分別圍圍徑寸酌議長短丈尺循照江南例價嗣後豫東二省黃河各廳需用楊椿自一尺至二尺五寸圍圍木照江南揚河廳例價酌定三分減一其二尺六寸至五尺圍圍木照江南各廳例價酌定四分減三適符市價是價值既無虧少則工

三

程不致貽誤合將各項工料價值併堵個大小用料則例逐款分別彙造確冊具題候部核示頒行飭遵其新定椿木成規請自雍正十年為始凡有歲搶新工俱照此例估銷着為定例遵行等語臣等詳查河南之上南河下南河上北河下北河黃河歸河沁河等七廳山東之黃河運河捕河泇河上河下河海鹽等七廳該總河擬定各項物料價值冊內土方一項修築堤岸併開挖引河水旱土工每方價銀自八分一釐起至二錢一分六釐又運河需用土方附近取土每方價銀九分六釐隔河取土每方價銀一錢二分隔河用舡裝運土方

每方價銀一錢四分水內撈土每方銀二錢四分又杉木椿料圍圍一尺一寸起至三尺以及長短丈尺俱經分晰開載每根價銀一錢七分起至四兩七錢查與江南徐屬廳例價相符均應如所請凡黃運兩河應用土方杉木椿准照所定價值畫一報銷又疏稱需用林檎柳草蓀蔴纒纜以及石料磚灰椿木等項現行成規咸與市價相符並無貴賤懸殊又搬料壓土推掃拉椿等項兵夫力作不敷添募民夫每名日給工價銀四分現行成規實為允當俱應如所請仍照舊規核銷無庸更正至江南河東各該總河倉稱河工修防原無一定

十四

或險而化平或平而化險全在臨時審度探水勢之深淺酌量用埽之大小層路之多寡簽椿之粗細加鑲之寬厚實難預為估定做法應請仍照舊例于造冊送部之時將埽個大小磚石層路以及鑲填高寬椿木圍圍長短繩纜多寡之處隨時核實逐一開明聽候內部按冊稽查則工料帑項俱得昭然符合等語查凡城垣倉庫以及衙署修理建築等工原可預定做法核准物料河道工程既係臨時相度則難預擬做法祇可核定物價今該督造送冊內業將各廳埽個高寬丈尺需用柴束草束舡重以及每埽所用繩纜蓀蔴留板簽椿若

于之處逐一詳晰開造均應如所請嗣後于工竣後將用過埽個高寬丈尺併埽個鑲填需用物料等項務期照依各廳擬定冊內數目價值據實報銷再該總河等請將所擬成規自雍正十年為始凡歲搶新工俱照此例辦理其未定成規以前新料修築之工仍照舊例報銷應准其從前工程照例核銷其餘所定三省河工料物價值查對舊例俱有減無浮均應如該督等所請准自雍正十年為始凡有歲搶新工俱照此例估銷着為定例遵行惟查土方一項內有遠處取土一款自應詳註丈數里數由稍遠以至極遠分晰定例以憑查核

五

今河東總河所定遠處取土將若干丈數定價若干之處分晰開註江南總河所定遠土各款內概稱遠處盡一定價未經註明丈尺里數將來恐不無以近作遠浮冒開銷情弊應令該督即將前定遠處取土各款內逐分道路之遠近以定價值之多寡廣于錢糧可杜浮冒再河東總河所定椿木二項內杉木椿係自南省採辦其價值自應照南省報銷其楊木椿一項即係本地所產是以從前各案題銷無論長短巨細每根概銷價銀二錢七分誠以楊木產近而價值最賤不足分別定價也今斟酌定例即應就木植之大小以定價值之低

昂亦祇應量為分別何得援照江南揚河應將木之例或三分減一或四分減三以致二錢七分之椿木有定價至三四錢五分者增價十倍殊未妥協再從前工部以各省河道工程題銷冊內椿木一款祇有圓圓徑寸並不開造長短丈尺是以屢經駁查行令分晰長短以憑查核在案今江南河東各該總河造送冊內仍祇確定圓圓徑寸其所開長短俱冊稱牽長一丈二三尺一丈三四尺不等等語夫即物料之確實以定價值之多寡今長短牽混何以核定價值且查各椿之長短即可辨河形之淺深察工程之虛實今椿木長短祇約

六

畧計畧不惟錢糧致多虛冒兼之工程易滋朦混事關永遠定例未便草率以開冒銷之端除臣等查核無異各款應行令于題銷各案遵照報銷外其駁查款項應令再為悉心酌定具題再議可也雍正十一年二月二十一日題本月二十二日奉旨依議欽此為此合咨前去欽遵施行等因又於雍正十二年三月十七日准

工部咨開都水清吏司案呈工科抄出河南山東河道總督朱 等題前事等因雍正十一年十月初四日題本月十八日奉

五部議奏欽此欽遵於十月十九日抄出到部又為

據實查明擬定成規事工科抄出大學士仍管理
江南河道總督事務稽 題前事等因雍正十一
年十月十七日題十一月初七日奉

旨該部議奏欽此欽遵於本月初八日抄出到部該臣
等會議得先經工部於雍正八年十月內因各省
題銷事件工程做法物料價值未有一定成規祇
憑臆案銷算預案之例不能畫一胥吏得以上下
其手欲駁欲准意為重輕經工部奏准行令各該
督撫將各直省一切建造修築工程緩急物料貴
賤悉心查訪造冊具題在案嗣據江南河道總督
今授大學士嵇 等河東河道總督朱 等將各

十七

該省河道工程需用料物訪照時價造冊具題臣
等會同核議以所定三省河工物料價值查對舊
例俱有減無浮應自雍正十年為始凡有歲搶新
工俱照此例估銷着為定例遵行惟江南省土方
一項該總河所定遠土各款內概稱遠處畫一定
價未經註明丈尺里數將來恐不無以近作遠浮
冒開銷應令該督將前定遠處取土各款內逐分
道路之遠近以定價值之多寡再河東總河所定
楊木椿即係本地所產從前各案題銷無論長短
巨細每根概銷價銀二錢七分今斟酌定例即應
就木植之大小以定價值之低昂亦概應量為分

別何得援照江南各廳之例定價至三兩四錢五
分再椿木一款江南河東各該總河造送冊內祇
確定圍圓徑寸其所開長短俱稱率長一丈二
三尺一丈三四尺不等查簽椿之長短即可辨河
形之淺深察工程之虛實今椿木長短約畧計算
工程易滋朦混事關永遠定例未便草率是以覆
令再為悉心酌定具題去後今據河南山東河道
總督朱 等疏稱豫東二省工程所需楊椿一項
並非本汛附近產植歷年工需俱係購辦別屬相
隔三四百里之遙而山路崎嶇轉運艱難實與江
南高堰等廳由湖涉險無異前經悉心斟酌體訪

十八

市價就木植之大小定價值之多寡今自一尺至
二尺五寸圍圓木援照江南揚河廳例價三分減
一其二尺六寸至五尺圍圓木援照江南各廳例
價四分減三實屬減之又減適符市價委無虛冒
萬難再減至楊椿杉木長短丈尺緣產地購辦間
有不一是以從前約畧計算今另行確定一併造
冊仍照前議價值着為定例又據大學士仍管理
江南河道總督事務稽 疏稱歷來河工取土道
路丈尺里數原係隨時酌定其椿木長短尺寸亦
係參差牽用是以前俱約計牽定今既蒙行令酌
定遠處取土丈尺里數核實椿木長短丈尺相應

分晰造冊具題各等因前來查江南河南山東三省擬定成規一案先據各該督等將河道工程需用物料訪照時價造冊具題臣等以江南河南山東三省所定河工物料價值查對舊例俱有或無浮應自雍正十年爲始凡有歲搶新工俱照此例估銷着爲定例遵行惟查江南總河所定遠土並未分晰丈尺里數又椿木一項江南河東各該總河造送冊內祇定圍圓徑寸其所開長短俱屬牽混何以核定價值再河東總河所定楊木椿從前無論長短巨細每根概銷銀二錢七分今何得援照江南各廳之例定價至三兩四錢五分不等是

九

以覆令再爲悉心酌定具題今據江南總河造送冊稱江省所屬各廳近處乾地取土離堤十五丈至五十丈每方銀一錢二分五釐遠處乾地取土離堤五十丈以外至一百丈及近處澤地取土離堤十五丈至五十丈俱每方銀一錢三分六釐遠處澤地取土離堤五十丈以外至一百丈每方銀一錢五分堤根有積水坑塘佔碍遠越乾地取土離堤五十丈以外至一百五十丈每方銀一錢七分遠越澤地取土離堤五十丈以外至一百五十丈每方銀一錢八分隔堤隔河遠處乾地取土離堤二百丈以外至三百丈每方銀一錢九分隔堤

隔河遠處澤地取土離堤二百丈以外至三百丈每方銀二錢水底取土離堤三十丈至五十丈每方銀二錢五分杉椿自圍圓不登尺木至五尺長一丈二尺至五丈三尺價銀九分至二十一兩六分等語臣等查江南總河既將駁查前項土方遠近里數椿木長短丈尺詳細分晰聲明應同前准各款行令江南總河按款刊刻永爲定例遵行再查豫省河工需用楊木椿一項從前無論長短巨細每根概銷銀二錢七分前因河東總河於擬定成規冊內將楊木椿通增價值每根自六分起至三兩四錢五分不等較從前每根概銷銀二錢七

二十

分者增價至十餘倍之多臣等因事關定例恐滋浮冒是以會議覆令該總河再爲悉心酌定以便永遠遵行去後今河東總河朱 並未遵照原款詳細更定惟稱楊格一項並非本汛附近產植俱係購買別屬相隔三四百里之遙轉運維艱委無浮冒萬難再減仍照前議價值着爲定例等語查工部因從前各省工程做法物料價值未有一定規條以致任意准駁實滋弊端於雍正八年十月奏准行令各省督撫將工程之緩急物料之貴賤運道之遠近悉心查訪確核題明令九卿會議定例頒行在案在該督撫等自應將應增應減款項

斟酌妥協詳細分晰臣等度可查核定例以垂永久乃總河朱 並不聲明情節遽將楊木椿一項增價十餘倍及經駁查仍不詳細分晰祇以楊椿購自別屬相隔三四百里仍照前定價值着為定例一語籠統題覆查從前楊椿每根僅銷銀二錢七分今即應酌增價值何得至三四錢五分之多况河東二省河道綿長數百餘里沿河聽汛不一豈有辦椿處所均屬遙遠同一艱難之理事關永遠定例未便遽准致滋浮冒應令河東總河將所屬各屬汛購買楊椿的係何屬并道路遠近轉運難易詳細分晰核實定價妥議具題到日再議

廿二

可也雍正十二年二月二十七日題本月二十九日奉

旨依議欽此為此合咨前去欽遵施行等因又於雍正十三年二月初一日准

工部咨開都水清吏司案呈工科抄出河南山東河道總督朱 等題前事等因雍正十二年十月十三日題十一月初一日奉

旨該部議奏欽此欽遵於本月初二日抄出到部該臣等會議得河南山東河道總督朱 等疏稱豫東兩省黃河工程需用楊椿一項前將團圓長短丈尺分別定價造冊具題准部以購買楊椿的係何

屬并道路遠近轉運難易詳細分晰核實定價妥議具題等因查楊椿一項雖係豫東兩省本地所產不過民間田園內栽植實屬有限非如沈廣等處杉木大山茂林蓄植繁多者可比且歷年修做歲搶大工處處需料年年採伐一時驟難長發茂盛以致臨河附近地方楊木較前益少是以豫省必於河南府屬之洛陽偃師鞏縣孟津懷慶府屬之濟源溫縣孟縣等處購買東省必於曹州城武定陶金鄉等處購買程途寬遠轉運艱難脚價頗重前定價值係就近年採辦楊椿加入運脚實在需用銀兩而言但事關永定成規自應分晰酌量

廿三

道路之遠近運費之多寡以定其價除遠在四百里者轉運既難脚價自重仍照前議定價外其三百五十里三百里二百五十里二百里一百五十里一百里以至五十里者每百里照加一脚價扣算以次遞減永為定例嗣後報銷之時將的係何處購買及相距黃河工程若干里數逐一註明冊內以便核實價值如有以近作遠希圖朦混浮冒者即行據實嚴參相應造冊具題等因前來查各省工程做法物料價值未有一定規條經本部於雍正八年十月奏准行令各省督撫將工程之緩急物料之貴賤運道之遠近悉心查訪確核題明

令九卿定議題覆以便永遠遵行在案嗣因河東總河朱 等於擬定成規冊內將豫東二省河工需用楊木椿一項向例報銷每根銀二錢七分今按照圖圓丈尺分別定價每根自六分起至三四錢五分不等臣等因較從前每根報銷銀二錢七分者增價十餘倍之多事關定例恐滋浮冒是以會議覆令該總河再為悉心酌定具題續據該總河等疏稱楊椿一項並非本汛附近產植俱係購買別屬相隔三四百里之遙轉運維艱委無浮冒萬難再減仍照前議價值着為定例等因具題臣等以河東二省河道綿長數百餘里沿河廳汛

廿三

不一豈有辦椿處所均屬寫遠同一艱難之理仍覆令該總河將所屬各廳汛購買楊椿的係何屬並道路遠近轉運難易詳細分晰核實定價受議具題去後該總河有應將某廳於某處採購楊椿道里若干之處逐細確查分晰聲明以憑定例今該督等但將豫東二省購辦楊椿處所自四百里以至五十里照加一脚價扣算以次遞減每根圖圓自一尺至五尺長自一丈三尺至五丈三尺購辦在四百里者每根價銀六分至三四錢五分通減至五十里者每根價銀三分九厘至二兩三錢四分三釐五毫籠統造冊送部並未將其廳汛

的係於某州縣採購楊椿道路若干之處詳細聲明恐仍滋牽混冒銷未便盡准應行令該督將豫東二省某廳汛的係於某州縣購買楊椿道路若干詳細分晰仍再據實核減另造清冊妥議具題到日再議可也雍正十二年十二月二十一日題本日奉

旨依議欽此為此合咨前去欽遵施行等因又於雍正十三年十二月二十六日准

工部咨開都水清吏司案呈工科抄出河南山東河道總督白 等題前事等因雍正十三年十月初九日題本月二十二日奉

廿四

旨該部議奏欽此欽遵於十月二十三日抄出到部該臣等會議得河南山東河道總督白 等疏稱豫東二省黃河工程需用楊椿一項經調任河臣朱 將購買道路遠近分別定價造冊具題准部以某廳某汛的係於某州縣購買楊椿道路若干詳細分晰仍據實核減另冊妥議具題等因今據河南管河道安鳳彩河北守道馬駿雲會詳稱楊椿一項民間不過田園隙地所植非若江廣等處杉木深山茂林蓄植繁多且豫省各工節年採伐現在堪用之椿更為稀少不能專在一處聚集採辦致不敷用查上北上南二廳向係在洛陽濟源等